

AUGLÝSING

um breyting á reglugerð um gatnagerðargjöld á Grenivík, Grýtu-
bakkahreppi í Suður-Pingeyjarsýslu nr. 286 29. maí 1986.

1. gr.

3. gr. orðist svo:

Gjaldið skal nema ákveðnum hundradshluta byggingarkostnaðar á m³ eins og hann er talinn á hverjum tíma af Hagstofu Íslands svo sem hér segir:

Einbýlishús, tvíbýlishús, raðhús og innbyggðar bílageymslur	3,0%
Verslunar- og skrifstofuhúsnæði	3,0%
Iðnaðarhús, vörugeymslur og atvinnuhúsnæði	1,5%
Opinberar byggingar	3,0%
Önnur hús skv. nánari ákvörðun hreppsnefndar	1,0—3,0%
Bílageymslur og aðrar útigeymslur	1,5%

Reglugerð þessi sem samin er og samþykkt af hreppsnefnd Grýtubakkahrepps í Suður-Pingeyjarsýslu staðfestist hér með samkvæmt lögum nr. 51 16. maí 1974 um gatnagerðargjöld.

Félagsmálaráðuneytið, 1. desember 1986.

F. h. r.

Hallgrímur Dalberg.

Hólmfríður Snæbjörnsdóttir.

REGLUGERÐ

um kosningu ~~Æskulýðsráðs~~ ríkisins.

1. gr.

Æskulýðsráð ríkisins skal skipað fimm mönnum. Menntamálaráðherra skipar formann ráðsins án tilnefningar. Þrír menn skulu tilnefndir af aðildarsamtökum Æskulýðssambands Íslands og öðrum hliðstæðum æskulýðssamtökum og skulu þeir kjörnir á sameiginlegum fundi þessara aðila er menntamálaráðuneytið boðar til. Einn maður skal tilnefndur af Sambandi íslenskra sveitarfélaga. Sömu reglur gilda um varamenn.

Skipunartími er tvö ár. Ekki er heimilt að skipa sama aðila lengur en tvö kjörtímabil samfellt.

2. gr.

Menntamálaráðuneytið boðar til sameiginlegs fundar með þeim aðildarsamtökum Æskulýðssambands Íslands og öðrum hliðstæðum æskulýðssamböndum, er uppfylla skilyrði 1. og 2. tl. 2. mgr. 1. gr. laga um æskulýðsmál nr. 24/1970, þar sem þrír menn eru kjörnir til setu í æskulýðsráði ríkisins og þrír til vara.

Hver samtök er boðuð eru skulu hafa einn fulltrúa, og að auki einn fulltrúa fyrir hverja 5 000 meðlimi í sérhverjum samtökum. Þó geta engin ein samtök átt fleiri en 7 fulltrúa á fundinum.

Fulltrúar þeirra samtaka, er boðuð eru á fundinn skulu hafa fullgilt skriflegt umboð stjórnar þeirra samtaka er þeir eru fulltrúar fyrir.

Fulltrúi frá ráðuneytinu stjórnar fundinum.

3. gr.

Reglur þessar eru settar samkvæmt heimild í lögum nr. 24/1970 um æskulýðsmál og öðlast þegar gildi. Samtímis fellur úr gildi reglugerð nr. 299/1972.

Menntamálaráðuneytið, 29. nóvember 1986.

Sverrir Hermannsson.

Knútur Hallsson.

Staðfesting forsetans á skipulagsskrá fyrir Styrktarsjóð Hlaðvarpans, útgefin á venjulegan hátt að mandatum af dómismálaráðherra 1. desember 1986.

Skipulagsskráin er þannig:

SKIPULAGSSKRÁ

fyrir Styrktarsjóð Hlaðvarpans.

1. gr.

Stofnandi sjóðsins er Vesturgata 3 hf. Sjóðurinn heitir Styrktarsjóður Hlaðvarpans. Lögheimili hans er í Reykjavík.

2. gr.

Stofnfé sjóðsins er kr. 84 000 og skal það ávaxtað með bestu fánlegum ávöxtunarkjörum hverju sinni.

Stofnfé sjóðsins má ekki skerða.

3. gr.

Tekjur sjóðsins eru vaxtatekjur af stofnfé, gjafafé og tekjur af happdrætti sem styrktarsjóðurinn starfrækir. Sjóðurinn skal ávaxtaður með bestu fánlegum ávöxtunarkjörum hverju sinni.

4. gr.

Hlutverk sjóðsins er:

- a) að styrkja listamenn með beinum fjárframlögum.
- b) að skapa listamönnum vinnu- og sýningaradstöðu í Hlaðvarpanum með endurnýjun og uppbyggingu þeirra húsa sem þar eru fyrir hendi.

5. gr.

Stjórn sjóðsins skipa þrír menn og þrír til vara. Skulu þeir skipaðir af stjórn Vesturgötu 3 hf. til tveggja ára í senn. Þess skal ávallt gætt að í sjóðsstjórn sitji a.m.k. einn stjórnarmaður Vesturgötu 3 hf. Stjórnin skiptir sjálf með sér verkum.